

四庫全書

集部

欽定四庫全書

御製詩三集卷八十八

古今體一百三十首

庚寅四

恭謁

孝陵

山水朝宗地雲霞護

聖天

鼎湖垂廓落瓜瓞永綿延詎以百年隔由來

一脈連奠三虔叩九不覺淚潛然

恭謁

景陵

赤心酬我

祖青目異諸孫霜露三春閱

未展謁者逮今三載矣

繼繩萬葉

尊長

上聲

年偏憶幼難忘

去聲是

深恩何以差不負勤劬默自存

孝賢皇后陵酌酒

往事一何迅春音廿二年

自戊辰至今廿二年矣

六旬我獨慶百

世汝稱賢賦荇篇猶憶種松陰已連達觀息多戀行矣  
命歸鞭

題翠雲山房

翠雲山房山寺側滿山松柏翠雲色往歲迴鑿不復駐  
斯奉

慈寧應憩息陳枌奠桂別

珠丘又將隔年心惻惻春雲佈宇傍午濃滿望東郊雨

盈尺雲之翠也假藉名儻然來去初無跡雲之春予乃  
艱逢纔飛雪花散無力致予繾綣實在茲山房閒適豈  
易得

微雨

二月廿二日

微雨山齋瀟山雲幻散凝剛看濕階砌旋見霽峻嶒逢  
以望之外欣而惜轉增何當大霑澤農事逮將興

過獨樂寺

千年古寺枕通達題額兩言深繹思後樂猶艱那獨樂

金仙宜耳我非宜

恭奉

皇太后駐蹕盤山靜寄山莊作

草色林光嫩仲春

安輿路便奉來巡

高年誠恐勞行禮勝地欣宜

憩養神雲傍山峰留影幻雪融澗水落聲新

壽萱堂

盤山

后駐蹕

堂名

皇太

俯憑佳景萬歲承

歡愛敬申

通閨韶華稚未酣入林翻覺愜幽探松仍冬色挈雲巘  
瀑帶冰音瀉石潭寒勒春猶澹相契暖烘芳亦久難堪  
秀巖是我藏詩藪觸目興懷自所諳

題延春堂

日照霽煙凝巖堂暖漸蒸春光遞消息山景尚清澄原  
不在花柳於斯適寢興詎因駐遊蹕遂爾忘兢兢

韻松軒

田盤以松秀韻松當在此泠泠謾謾間小大無不美豈  
資金與石弗屑宮子徵軒實恒聆之我乃儻來耳然而  
諧韻詞則每從茲始

題清音齋

太古山中室好春靜者心三幡蠲結習萬籟總清音底  
識來和去欲忘昨與今託懷無不可合是凜難謔

澹懷堂

書堂據中嶺峯蔚四圍皆昨別忽如忘今來真復佳林



光仍罨戶草色始侵階遇閨遲春令花無稱去聲澹懷

漱瓊軒

疊石為池有屋臨引流出石赴池斟不須搏拊琴兮瑟  
却叶一夔夏擊音

心鏡齋有會

心鏡若喻言其實乃至理試問世間鏡何非從心起造  
鏡緣心巧照鏡由心使無心斯鏡無造照胥糠粃覓心  
不可得而況月與水

留雲室

巖室窈然靜且深去年猶憶雨中臨  
即今待澤將舉趾分付雲留好作霖

清諧堂

萬石疊堂背一溪瀉堂襟磊落太古色  
滲淚三峽音紅杏勒新花蒼松仍故林  
觸目與清諧諧清實因心

題崔彥輔溪山煙靄疊去歲韻

萬峯紫靄烘去聲晴空彥輔圖張相映同  
真得畫家三昧

法祇論氣韻不論工

暖

雲淨晃陽光風定寂林際崿嶠生紫煙  
靄浮暄氣谷口薰柳黃峯頭烘石翠  
東皇能布令速較郵傳去聲置今

朝靜寄莊始覺有春意

詠溫牡丹

亦是葉綠而花紅那資暖日與和風  
奇松詭石對弗愧似誇國色盤之中  
盤之中固松石美速成實藉下筵耳

三十乃娶四十仕田盤先生猶笑彼

題養虛齋

樸室三間號養虛詎因生白偶名諸受人天下和平應  
觀象玩辭足起予

引勝軒

軒名以引稱窓虛來勝允橫者旋為螺豎者矗為筍益  
奇則雲態變幻無定準圖畫所難工吟詠那能盡忽思  
弗此憑斯勝付誰引

舍遠樓

山上築高樓窓含遠益悠北瞻拖峻嶺南俯衍平疇豈  
以遊攬興而忘耕畜謀雖然寧止此此意遍寰陬

貯清書屋

玲瓏硯石中尋徑訝欲墮翻棲以定時聽暗泉弗見流  
時復窪樽灑清瀝歷盡怪還值坦夷高低築室取適宜  
豁然開朗堪縱目流觀萬壑紛呈竒曰貯清哉清信貯  
琳瑯叢表虛明宇不移原是屋色山何必江天誇氏父

交翠榭

茆廬千林翠未交  
棲巖榭意寓誅茅  
風吹乾葉鏗然落  
似與空山作解嘲

受宜居

受宜在斯室四時皆帖妥  
受宜義甚富宜莫切乎我  
成室木從繩一語盡之可  
豈謂松石間把筆搜吟坐

題鄒一桂杏花

寒勒杏林未放花  
嫩芳忽見一枝斜  
審觀設色小山作

筆有通靈信不差

寫生原是貌真姿東竺庵中盆裏枝却憶去年春暮月  
潤紅相映雨絲絲

遊古中盤作

靜寄到兩日大略已粗觀平明出北門就近遊中盤中  
盤雖不遙亦在青雲端跋馬歷石棧蹄下聽鳴湍少林  
別岐路砢砢還躋攀須叟入松門紅墻出簇攢丹梯千  
百層拾級凌紫煙馬或弗可進徒步仍向前祇宮既云

荏屏息禮金仙手拈不根花別我忽一年其左有精舍  
盤阿我所顏下視千里遙盡列咫尺間設非半晌勞安  
寄萬慮閒云閒固未能輒復搞吟篇

過少林寺

中盤小坐淨業薰因之稍憩僕從羣言別策騎前途遵  
結念東竺凌峰雲少林正介途所分過而不留亦可欣  
僧芻延望徒勞勤吾弗見布而疑廢到即不點古有云

東竺庵



竺庵盤之隩隆中獨向陽谷口有楊柳垂絲欲作黃筍  
馬從谷入路無十里強四山蔚暖煙松石含晶光調御  
默然坐瓦鑪致辦香別室尋古杏杏花未吐芳欲去更  
失笑去來何其忙

雲淨寺

珠勒徐教仄棧遵明知雲淨近東鄰林中忽聽鳴梢轉  
笑似花間唱道人

毘尼

梵語律也

野衲不知遵麋鹿尋常可結鄰分付春雲慢

淨去祇應作雨利農人

千尺雪

下馬薜牆入憩身水閣臨靜觀即悅目忘聽亦澄心煮

鼎松枝便汲瓶石髓斟唐寅圖在壁

閣中懸唐寅品茶圖

談茗似

相尋

題唐寅品茶圖

就泉烹鼎試茶槽戶外松風響謖濤默識田疇應首肯

不教吳郡獨稱高

半天樓

近西山落腳耐可蠶緣上取便復因暇聊暢煙霞想肩輿穿破礮樓在半天仰五步十步憩造巔忽開朗坐憑玻瓈窓俯臨涵萬象瞿然有所思未宜恣遊賞

效深室

於低獲深易於高致深難竄高而效深所以殊衆觀輒軋泯邊際石林雲海端祇餘顯氣俱不礙天風寒寧惟澄目謀亦實謚心官

微雨

二月廿六日

昨日遊山轉山雲隨馬佈入夕濃漸低問夜眠且寤五  
更霏浙瀝傍晚欣密霏惜為時弗久旋零旋復住林巒  
已增潤石窪有水注高峯更出雲峻挺藏煙霧心希大  
霈澤一犁興農務

婉孌草堂

山雨略間

去聲

蹊輕泥四山蒼蔚猶朝隤不妨筍輿流覽

耳遂至草堂婉孌子松崖莎阪已如濯石情泉韻皆堪

題香光真蹟正挂壁表裏映帶興淒淒

題董其昌婉孌草堂圖

江南圖作燕中秘婉孌看來總一般不識崑山讀書處

見香光識語可能精絕似田盤

對瀑

虛窓對瀑置玻瓈聲益清泠色益淒豈獨視聽平出物

表亦欣俯仰合天倪

接要樓

雲窓月戶景來投，美不勝收擇要收。  
恰似退之送溫造，曰惟朝暮拔其尤。

雲林石室

濛濛林靄間，砢砢石迳裏。  
離奇晃光怪，寥窅穿迤邐。  
忽如遊洞天，峽榭雲標倚。  
因心契澹泊，觸目惟清美。  
搞吟旋欲罷，難以凡情揣。

擷翠樓

千林未吐葉，八牖鎮張樓。  
豈遂堪擷少，試看松翠流風。

吹為颯沓雲襯作沈浮蒲柳誠何謂犁然有去留

雲起閣口號

高閣看雲雲正起起向虛空行且止即當霽霽作甘霖  
時則東郊方舉趾

清音齋對雨

山雲散復聚春雨密還疎踈颯景真堪倚清音莫此如憑  
無安榻几看漸濕階除脚向東南去惜哉望又虛

雨後石林精舍

石徑步濕潤林廬坐峭寒以云景誠美究覺意難寬所  
願一犁足應同萬姓歡高峰膚寸合晚雨冀重看

雨花室

精室維摩是也非偶來豈為去聲叩禪機霏絲竟是天花

落不覺其稠祇覺稀

閱本

驛章來間去聲日締几閱清晨敢以卷阿懈不辭庶務親

因心惟省已何事弗闕民所可自信者敬勤兩字真



京師奏報得雨

昨日此間雨勢佳惜弗久因之西南望京師曾被否今  
朝閱封奏三寸入土厚土脈酥動時深幸興耕耦飾美  
疑不無京兆報雨稱霑三寸雖不免增飾然二寸則必有土膏初動於農田固有益也霑膏慶  
誠有

遊天成寺作

遊山聊趁萬幾閒輕騎還教減從

去聲

班雨過林枝垂露

重春寒澗水帶冰潺闌開一抃梅檀宇儼列九天虎豹

關無礙樓窓霽風峭片時得句我猶閑

萬松寺三首

萬峯過雨曉煙凝得得青驄拾級登既欲其間窮窈窕  
那知此際跋崢嶸

盤山到處有松羅最是萬松松最多行入青雲天不見  
蓮宮忽湧碧峰螺

挈蓋垂幢萬狀呈金仙羽衛化人城謖濤入耳耳根淨  
仍是去年此刻聲

過青峯寺

萬松據嶺南度嶺須登峻未惜懸峰

馬蹄肉也

穿硤礪遵途

趁既升亦復降升遲降斯迅積雪仍山陰松風峭似訊  
青峰別一谷明知便且近雲罩望雲杪屬彼此弗問何  
不從此返自畫我所慎幸而以身先歡喜都前進

法藏寺

法藏古松不可孤金仙禮罷小踟躕片時僕從亦憩息  
雲罩遙瞻便問途

雲罩寺

昨歲雲罩未曾登今歲再弗登弗可歷盡千盤萬磴間  
梵宮湧出青蓮朶毘盧遮那千佛圍不動色相香花妥  
欲咨調御著一語今來昨否何因果

登定光塔作歌

憶我戊寅曾一登從茲到寺弗登塔今來忽欲試脚力  
千層拾級如飛踏前寅後寅頃周紀四旬六旬瞥眼睫  
從去聲臣似議此何為蹶然自笑而不荅

再題千尺雪

一度遊山一度臨三間水閣對雲林石泉松籟宜清聽

誰為

去聲

啓心實沃心

半天樓上望少林塔因而有會

少林寺中塔雲罩看澗底半天樓上看塔又半天裏尋  
常看樓處彼更低於此然則半天名究竟宜誰是一日  
盡歷之無過遊戲耳

降西嶺至泠然閣

既已升高須降卑遂教過嶺石林披泠然頓覺清風至  
彷彿御行信有之

翼然山閣出叢攢小坐衣裳生峭寒莫道此由高嶺降  
谷中望在翠雲端

題張宗蒼秋景山水畫

盤中尚有吳中畫氣韻同還境界同勝是奇松及怪石  
景殊白草與丹楓畸人幾個謝青史高躅千秋寄碧空  
漫向其間詢姓氏許多深意寓斯翁

靜夜吟三疊舊作韻

蕉竹夜堂深朦朧森颯陰光堪屏

去聲

銀燭趣合譜瑤琴

齋坐人成詠林眠鳥罷音靜中亦三省不說且娛心

題盤谷寺

乘閒策馬款禪扉流麗千林颺曉暉鋪谷輕煙白如絮  
落崖飛瀑響於微寺猶法性風旛動室豈維摩花雨霏  
不是濟源經考證至今假藉未知非

向以盤山亦太行山陽支脈疑即韓愈序所謂盤谷

者題詠每假借其事昨歲偶命豫撫阿思哈往彼詢  
訪則李愿所居盤谷實在河南之濟源縣愿祠及韓  
文碑刻尚存因為考證以釋前此疑誤輒用擘窠書  
令於彼磨崖刻之並書一通泐此間巖石上

千相寺六韻

石挺若無根泉飛盡有源是中尋覺路遂亦到祇園煙  
斂千里見春和一谷暄山僧飽粥飯古殿罷風幡不住  
四相法端居兩足尊了當泯結習誰更問開元

是寺建  
於唐開



元間舊  
名祐唐

再題心鏡齋

山泉多伏流一瀉無餘剩就低築作池乃得半畝澄池  
上有小齋名之曰心鏡心鏡以喻水光光實交映願言  
保空明毋俾塵翳凝

滌文榭

榭臨池水滌成文動自含風靜入雲不向人間留筆跡  
六朝八代厭其紛

得概軒有會

千峰萬壑目前憑，盡態極妍畢效能。  
若論人情多變幻，敢云得概傲吾曾。

石林精舍

抱土安形穩，吹雲闢徑斜。  
雖云立當戶，却不藉排衙。西湖

南屏山有南宋排衙石  
全類丈夫氣，難描畫史家。  
據床消半刻，得

句亦清嘉

琴峽亭

階臨詭石千層累

上聲

楹納翠巖萬仞高落  
落蒼松風以

入七絃不鼓亦成操

池上居口號

一月三潭印潭三月亦三欲因笑明聖假藉祇虛談

按西湖三潭印月祇三塔鼎峙仍一湖耳此處因地  
高低為三池各皆得月殊覺三潭名實相副云

南村

石墻草舍學村居却是村居趣有餘喜得土肥堪作圃

引來水便遂成渠屏張畫乃犁鋤畫

向有題農器圖十詠書屏置此間

几置書惟種植書黃屋非堯志聞語踐之未逮願存諸

### 盤山迴蹕度大嶺

大嶺惟容騎春朝又驪鞭山從松海別逕向石林穿歷  
歷見村落行行就谷田定光迴望處針影半天懸

### 大新莊行宮晚坐

過午非常暖蒸為雲密垂遠山蔽影暗平野暮煙披作  
雨庶幾遇去年有所思春郊霑尺澤心幸復斯時

昨歲至盤

山適當好雨優霑迴蹕經此村農共趁春耕覽之心慰  
茲將屆興犁正思甘雨幸午暄雲佈冀釀尺霖復如去  
年之霑澤  
以紓望念

順義縣道中

安樂行行遵古郵土膏動始潤平疇屢看雲起屢因望  
每值風生每以愁大率為民非為己祇緣多欲致多憂

昨年過此原欣慰節令雖遲產豫謀

今歲五月遇閏田  
間興作較遲二月

廿四始春分去歲暮春過此已逾春分月  
餘然祈年之心每先時望澤較農民尤甚

恭奉

皇太后至暢春園駐蹕作

遊覽田盤豫

聖慈東還將欲蹕西移

萬年共喜長

康健三宿原應暫憩遲

駐蹕三日即啓駕往謁  
泰陵因至天津

園裏桃

開雖不負樹頭風  
妒故如斯銓曹引見催明日兩字敬  
勤吾勉之

山桃二首

淺白深紅一例開  
臨池亦自淨無埃  
設非親切叅香色  
和靖應須認作梅

頭踏園林花信傳  
芳艸山脚復溪邊  
封姨似與女夷約  
蓬勃春風又已然

詠痕都斯坦玉甌

荷柄曲擎一朵花  
旁生兩蕾致堪拏  
琢由西海如甌甌  
製弗東周有虺蛇  
栗縝圓雕槃瑤蕊  
髮絲微起尚瓊華  
奇珎不脛還常至  
空谷白駒歎轉遐

桃花鵑

武陵春色圓明園四十景之一也又名桃花鵑雍

正初年間

賜居於此後始移居長春仙館今經四十餘年因略脩

葺並題以句

山桃開最早江國擬梅花韻亦含風細影原照水斜暉  
懷武陵曲濃疊赤城霞緬想

賜居日流陰暗自嗟



戲題品詩堂

四十年前此樂閒  
倚吟清課綠窓間  
偶然舊集重披檢  
祇合從頭一例刪

松簧館

那論無風與有風  
聲恒為徵復為宮  
世間曲調安能擬  
應是八琅奏碧空

抱樸草堂

草堂枕清溪  
艤舟一徙倚  
不惟謝雕斲  
兼且卑階祀  
明

志以澹泊沃心有書史書史非空言鑑人還鑑己饜飫而優游蓋欲忘去矣亭臺亦豈無視總弗如此

題方琮山水

畫家筆法學宗蒼氣韻居然合渺茫小幅山川稱去聲遊目竟教難辨孰王羊

恭奉

皇太后啓蹕之作

東返茲當西啓行蕝儀遂奉

幸津瀛既因養

志攄深悃亦以承

歡允衆誠那戀園芳桃始放愛看田景麥初萌

八旬聖母

橋山謁一喜一思難盡情

望郊臺作

逆命因教征驃蠻投誠適可六師班

征緬之役因逆酋頑梗待以經年問

知悔罪始命大學士傅恒統勁旅征勦我兵自新街戰勝即進攻老官屯拔其數砦乃水土惡劣將士多有病

者聞之即傳諭撤兵旨未達而緬酋適遣有餘惟蓄熊人詣軍營投誠奏至遂允所請以完此局

罷怒無所之施弧矢彎每避楚君罷京觀却非漢帝閉

雄關不須郊勞

去聲

循前典

戊子春經此曾有不得已期速集事鴻儀再舉凱旋來之

句茲官兵振旅而還非凱旋可比因不復舉郊勞之典

振旅弗同秦凱還

### 麥色二首

麥色西來綠較濃問知春雪兩優逢以斯祈歲心無亟

願遍寰中普利農

春麥未萌秋麥茁遠阡近壠接芊芊思霑甘雨益芃發

厭是多風又已然

半壁店行宮作

清溪一帶門前瀾綠柳石橋過雁齒列帳繫馬淨無塵  
新水潑洄生蒲芷入門樸室弗誇多却倚半山松石美  
拈毫欲詠復懷慚是豈容膝安而已

杏

珠勒柳衢行新紅野墅迎物誠知節令時已近清明宜  
雨雨艱致畏風風每爭亨難屯易遇可以悟恒情

秋瀾村

行館常年不駐過

每次謁

莊回程始駐

陵由半壁店逕至梁谷此間今歲奉皇太

后來因增一宿頓以適

慈豫

今來駐頓一加多減程

憩便

慈躬豫增宿思深

珠阜栽籠郭林纔吐嫩葉繞門溪已漲新波秋瀾適可  
玩名義攬景雖春颯意羅

過安河二首示直隸總督楊廷璋

引來濡水白楊嶺名曰安河資溉畝脩堰疏渠應注意

莫教成蹟廢前人

前督方觀承導濡流溉田農畝頗資其利辛巳渠成賜名安河嘉其有裨

田功也楊廷璋繼之惟宜董屬勤事脩濬無使成蹟湮廢

前人本意重農田頗亦亭臺綴景焉成事聊因付不說  
莫教踵此更增妍

永慕齋

時節近清明上

陵寂慘情巖齋今日宿

湖鼎萬年成惜見輕雲散懶聽釣水鳴無心真草木庭  
杏故專榮

即事

自朝至暮陰或晴陰希晴惜情屢更傍晚東南變土氣  
堀堞頃刻顛風爭已知作霖定無望更盼風息天清明  
秋麥發芽剛寸許春麥下隰方堪耕節候雖遲春逮暮  
甘膏未霈心怵怵

恭謁



秦陵

雲霞氣鬱蒸間去聲歲謁

橋陵萬古已如是六旬何忍稱

勤勞思實獨

巍蕩仰如憑奚以酬

高厚惟應勉繼繩

迴蹕秋瀾村再題

迺欄此日誤秋瀾統志源流尚可觀獨惜道元水經注

全編今有幾人看

一統志載迺欄河在涑水縣西源出樂平山麓南流至定興入沙河並引

水經注檀山水出迺縣西北檀山南流與石泉水會又東南流注濡水謂疑即此河而迺欄作秋瀾則由音轉

致訛耳

迺因音合舛為秋瀾較欄當勝一籌駐蹕每茲餘憾憾  
不堪西望更回頭

### 寒食

去冬節日一百五謂之寒食記荆楚曰有疾風誠疾風  
曰有甚雨艱甚雨造酪之事或偶循禁火之例久弗舉

今朝適合馬上逢鬪雞走狗却未覩惟見連阡茁麥芽  
憐他嫩綠漬乾土

涑水道中作

叩謁

二陵事已竣茲當黻蹕向天津

壽慈虔奉心何顙顙似此行更數輪

昨從拒馬渡源頭野水涓涓本細流到此涑河成巨壑  
金人銘背識根由

涑水東來接定興耆民秀士迓分棚祝

釐衆意誠難却惜費微嫌此不應

清明日於紫泉行宮作

丁亥津門幸於斯春雨遭風聽耳茲厭雲望目徒勞駐  
蹕臨行館興犁塵野臯清明何以識開遍杏和桃

再題紫泉行宮十詠

敞軒

俯順輿情蒞六驄紫泉復此駐行宮敞軒所塵觀民者

為度可能夏諺同

屏山

當門突兀一峯蒼掩映松筠仄徑長設以畫屏相比擬  
果然名不負清防

鏡湖

馬氏譽之稱鑑水元家毀以比油盆山陰數典猶如此  
一畝湖光底足論

舫室

底藉湘帆五兩風煙波亦自俯澄空明朝趙北真登舫  
回望由來泯異同

梭亭

縛梭代瓦覆亭子大過簷還四柄撐却憶寒山真作笠  
寒山千尺雪有亭作笠子式南巡見之笑他著相太循名

虹橋

一橋夾鏡分兩水照影行看左右宜無於水鑑於民鑑  
觸目會心凜在茲

魚罾

魚罾傍岼照波空豈必文鱗計取豐幾欲拈吟率擱筆  
佳詞早擅陸龜蒙

石逕

詰曲攀登級幾層既玲瓏復峙峻嶒石林雲海中覓路  
雅契詩禪最上乘

竹埭

葉淩輕黃梢上頭春時原是竹之秋豈如候暖江南好

綠重雲棲萬玉稠

箭廳

髀不須拈弓弛弦陸游同病

陸游詩病臂不復能開弦

每慙然木蘭

秋獮藉馬力馳射彎弧故似前

賜直隸總督楊廷璋

總督而兼巡撫事歷來保定此掄賢八閩威望原騰舊

廷璋曾任閩浙總督

三輔循聲俾繼前

前任方觀承即有循聲

練士安民惟

要矣疏河導淀尚勤旃春巡本務茲慙示供帳寧當謂



力宣

至趙北口

雄縣城無十里遙大隄柳色看招邀已欣潤景臨西淀  
遂踏春泥過板橋趙北燕南昔劃界民風土俗此聽謠  
岼傍安福艦先候水路開程在詰朝

懷清樓

見遠層樓迴春波俯渺茫望低楊柳岸興結水雲鄉沙  
渚翱翔鴈風帆來去航濯纓如有意於此悟滄浪

湛持軒

總一行宮內軒樓致不同取名因各別責實本胥通持  
處惟無欲湛然斯大公濂溪書通示訓即境寓脩躬

登安福艦作

水程是日發河干東拍津門迤邐觀物象民情深所念  
笙歌羽舞詎為歡蒼生福即一人福四海安期萬載安  
舊句吟多江國作省方景偶憶無端

過廣惠橋

輿梁接通衢徹板御舟過江國殊石橋聳駕垂虹臥南  
北實異宜利在因民作子曰惠不費其義所已大

浚神祠瞻禮紀事成什

江湖河海各

神司豈浚而無

神莅之向命東西中擇陸

是祠建於東西  
兩浚適中之地

今看爽塏處

成祠贊

天宣佑靈哉沛行地安瀾

福以綏虔奉辦香申慶落康田功籲

錫民釐

題淀祠旁行館八景

靜寧齋

淀池旁構此數楹為臨憩治事之所既靜而寧式  
愜觀民深意

祠旁隙地構軒廳慶落斯干翠蹕停成事由來遵不說

地方吏於神祠旁近葺行館以工用無輿情亦祇付  
多初未入奏迨臨視時則勢已屬成事矣

權聽詎欣室宇茲臨憩實顙波瀾永靜寧大吏傳宣前  
席問水鄉民氣可蘇醒

頤慶堂

春巡掖

輦行慶順輿情也斯堂安適用祝

頤和

江國悠而遠淀池近且便三春奉

遊豫一例

御舟船祝嘏吏民切

頤和定省虔歡心同衆籲

慈壽永千年

惠暢樓

登樓矚遠宛然江鄉景物順時布惠兼暢心神  
惠風和暢日春水綠波時物意皆自得吾民可若斯

互鏡軒

軒跨兩池間夾鏡光融足資互照

兩水夾明鏡此同跨河中構敞軒通却因喻鑑思唐帝  
不是臨風懷謝公

問源亭

疏渠引流入墻東注為沼坐此可悟源頭活水

引淀進墻間處斯源耳若論淀之源奚啻千百里拘  
墟源則近達觀源則彌隙中觀鬪者勝負安知彼子瞻  
著名言早揭斯亭旨

延清閣

閣臨碕岸瑩澈無塵固是延攬清吟之助

雲廊一曲一折碕岸既高既低延得三春清景遂成六  
字新題

澄渌池

方池渟渚淀波淨渌澄涵安瀾之義斯在

春冰既泮春水方新澹澹澄渌依依可人七十有二名  
難盡識淀祠卜茲會極歸極踠絲綠柳罨畫紅欄日麗  
風和亦不波瀾有魚於淵或躍以起觸景成吟如是而



已

引薰廊

曲廊引薰解阜實省方先務詎惟揣稱命名

溪上有樓亦有堂誰其引之曰有廊展出既平循窈窕  
遊目無闕賞煙光南風薰予將作矣茅土時予安有此

題蘇橋二首

姚闕陳州洵霸州太常因革禮同脩了知食祿弗任事

宋史刪文未細求

石橋不是建西湖却與長隄同號蘇一實近脩軾一遠

領洵爾家父子信賢乎

歐陽脩撰蘇洵墓誌云會太常脩纂建隆以來禮書  
乃以為霸州文安縣主簿使食其祿與陳州項城縣  
令姚闢同脩禮書為太常因革禮一百卷按誌所言  
是洵止食主簿祿而未任事且二人同脩一書而一  
在陳州一在霸州決無是理元托克托等脩宋史刪  
使食其祿句若洵實任文安主簿者然後世遂因而

有橋與祠之附會夫以洵之文學即假借以羶薌其地尚無不可然史所以傳信碩以刪節之踈沿譌貽誤使非歐陽之誌又孰從而正其舛哉

麥色上律

麥色鋪田綠且芄幸茲窪地潤霑叢觀來此固紓盼雨念到他原懼作風絕勝畫圖欣看活未成餅餌敢言豐春雲時聚復時散無那翹瞻卜度中

御製詩三集卷八十八

欽定四庫全書

集部

御製詩三集卷

八十九  
九十

詳校官侍郎

臣謝墉

助教

臣常循覆勘

總校官原任中允

臣王燕緒

校對官中書

臣潘奕嵩

謄錄監生

臣牟焜

欽定四庫全書

御製詩三集卷八十九

古今體一百三十四首

庚寅五

閱文安堤工疊舊作韻

萬民隨兩岸笑語任掀掀  
登岸罷清蹕纔容線路開  
閱堤乃要務釜底每被災  
壬午始興工卑薄一律培  
癸未告蒞事丁亥獲收時  
戍子復行潦己丑重淪排  
茲焉觀釃流田略涸高垓窪  
地崩汪洋治水慙斯來或曰  
田占

水

文安窪形如釜底潦水易積難消上次巡視至此窪

水盡涸盈望麥疇茲則舊時麥地尚有在水中者深

以疏通乏策為塵或云窪本水地涸則民倍獲利乃田

占水非水占田即果如所言亦不若速令消涸讓地於

民之為愈也

其然豈然哉

再依

皇祖閱子牙河詩韻

謾議潯沱訛子牙

潯沱河以經大城縣之子牙村遂有子牙河之名舊志因傳會其地有釣

臺遺蹟丁亥春巡閱河隄曾依

序辨呂尚釣璜不應在此以訂其訛雖然天下一家奚

分秦趙總在大地之內一家秦趙詎殊家麥因淀潤纔

此一轉語亦不可少也

一家秦趙詎殊家麥因淀潤纔

出土柳偃堤風欲捲沙

籌畫當年仰

疏淪閭閻今日利魚鰕觀民要為

去聲

安民計咫尺

穹碑法豈賒

題湛觀軒

左各莊行宮中文軒臨沼睽目澄心蓋淀水易引  
事半功倍名之曰湛觀而係以詩

詎必鑿塘更穿土引來淀水便成池階前流潔源清會

座裏天光雲影披不啻十家費已惜居然半畝照相宜  
湛如對處非空寂斥鹵民艱有所思

涵鑑堂

溪堂俯映鑑光涵春淀生波曲注潭內澹澹如外澹澹  
前三三即後三三鳶飛魚躍趣無盡芷嫩蒲新芳未酣  
設欲照他先自照雖知此理覺行慙

登澄景樓

拾級樓欄上

上聲

一層滄波牆外見空澄水村圖問誰家



好佳景王孫示我曾

石渠寶笈有趙孟頫  
水村圖真蹟神品

環照齋

淀水易為引溪齋照若環澄懷孰是勝延步亦其間  
魚鳥親人意琴書伴我閒如云寓精鑒寶早識惟艱

補築格淀隄成輶輿往閱因疊舊韻成什

數典誰過神禹治幾曾禹貢曰隄之行其無事今非古

占以有淤勢與時圖格清渾空闕築

格淀隄舊至莊兒  
頭而止丁亥臨閱

恐中間空闕無以障格清渾因命大臣履度勅督臣動  
帑接築至三灘里與長隄屬計十五里有奇今則全隄

一律聳峙矣

不過罅漏補苴為輕輿十里勤來閱永逸謀艱

立為

去聲遲

襍言

順風一刻行十里逆風一里行十刻大舟載重轉旋艱  
小舟載輕轉旋亟雖有鉉基不如待時嗇夫諜諜釋之  
鄙其乘流揚帆豈不好忌盛持重君子道

清源堂

臺頭

地名

舊行館春日復停輪往者求民莫茲來奉

懿尊羣芳紅繞砌一水綠迎門絜矩思為政清源豈易言

日日

日日来瞻夾路民數逾億萬總相親觀餘復為去聲塵深

慮都是資衣資食人

夜雨

三月十四日

邇日雲屢作作雲風每繼傍晚幸息風遂落雨點細時  
密時復疎終夜誰能寐侵曉倚楹看頗饒潤溽意浹壤

本沮如尺寸固難計但以望之久惜欠霽霈勢窪地雖已滋高地想霑未開船復飄零優渥心更冀

舟行襍詠

曉煙欲泮旋

去聲

低凝絲霏空濛潤絕勝記得行春橋那

畔御艫安福掛帆曾

昨日逆風未免嫌今朝好雨意為快人情了識初無定  
所欲安能事事兼

未礙閭閻

船頭謂閭閻

坐冷風既欣仍盼意無窮泥鰍港與

蓮花淀

路所經處

祇在淼茫幼妙中

點綴漁船款乃歌飄然雨笠與風蓑可憐一幅江鄉畫

竟有當官張志和

杳溟上下水天俱蒲葦叢中起野鳬無慮御舟行處慢

一雙水緯引龍鬚

水緯俗謂之龍鬚緯頗稱

揚芬港有舊行齋十景西湖近岼排傍午雨收雲勢散  
那娛觀却不紓懷

協性齋

齋築揚芬港揚芬事若何政真嘆無似詩更底須多性  
固方猶水協還期不波前吟粘壁閱歲月忽成過

滄波樓

下臨無地水縈環春日重登片刻閒七字四章吟舊什

忽飛逸興至金山

丁亥春登是樓用金山遠帆樓詩韻  
留題四首有水樓俯碧似金山逸興

遙飛片刻  
還之句

滄波樓疊舊作韻

架縛層樓及假山山顛仙駕往而還青鸞棲樹女牀表

白鶴添籌海屋間

還淳豈不重民風  
桃舞笙歌太覺工  
慶

誕預因娛

聖母罷觀難與昔巡同

上次駐揚芬港地方吏備燈船  
舞隊縣令撤罷茲奉

皇太

后祝

釐因聽其

陳應以洽

慈娛

藪澤恒資納衆流  
補隄意在隔沙投

前巡閱視格淀隄  
以莊兒頭至三灘

里舊隄有闕特命督臣動帑補  
築障渾流不令入淀以防淤墊

千年沿革幾千里難辨

誰奴與鄭州

上雲空接下滄池  
潏沕清穹座裏披  
遠浦一帆如片葉  
飄飄波面定何之

水營

順流兼順風到營未日中不必登陸岸居然似渚宮  
寢興原宿昔天水接長空堤畔尤宜望青青春麥芄

月

東壁升春月過望輪微小初湧白水面漸飛綠樹杪誰  
知尚團鏡翻入澄瀛皎波碎質如故漣動光隨溜應物



而不染於焉愜懷抱

望海寺

波羅梵宇碧溪潄恍似普陀紫竹林即色不殊即空體  
海河常送海潮音到來門逕宛相識悟去慈悲沒處尋  
未得無心心合衆延

禧祝嘏一真心

乘馬由天津府城至柳墅行宮作

維舟策馬歷城闐馬足羣黎任覲親遊必以休休利溥

樂原與衆衆情申古來稀慶今誠慶

聖母八旬予六旬五福箕疇壽居首歛時

天錫錫臣民

命免天津府屬積欠及直隸通省積欠詩以誌事

蠲賦王畿首被澤

新正下詔普免天下正供直隸本年錢糧輪蠲首及

析津無更

可加恩前巡因憶積斯逋近歲應餘欠者存概與除徵

曰銀穀

前次巡莅天津曾將府屬及通省積欠分別蠲免茲奉聖母臨幸民情親戴尤殷因降旨

將天津所屬及經過州縣自乾隆三十一年至今節年未完銀五萬六千餘未完借穀十二萬六千餘槩行豁

免並將通省三年以來積欠銀穀六千六百有奇及因  
灾緩徵銀穀十三萬四千有奇亦予蠲除俾均霑慶惠  
並教通省逮黎元村村春種期秋熟催呼去聲何愁吏叩

門

河南巡撫富尼漢奏報三月初六日得雨

前旬憶得雲方作便有蓬蓬風散之誰識行宮夜問際

是日駐半  
驛店行宮

乃當豫省雨霑時

富尼漢奏經理振旅官兵  
行次南陽三月初六日丑

時至未時得雨四  
寸二麥益資暢茂

一州黔首胥應悅二麥綠苗遍以滋

却是津門仍望澤

天津瀕海沮洳向多濕潤茲則風  
起塵隨盼望春霖較常時尤切怒

期優渥始心怡

偕樂堂

舊識行齋路海河河岸東昔巡纘

聖蹟今喜奉

慈宮陌柳陰垂綠階花暖放紅物胥含樂意我顏與民

同

播醇齋

祝

齡從衆請復此至天津乘令當三月施恩逮萬民耕桑  
所勤問歌舞亦紛陳返已惟生惡難言斯播醇

戲題海棠廳

兩度海棠俱未開芳姿弗覩識丰裁連昌長恨都竒作  
却憶傳神元白來

偶題二首

海河濱館小徘徊三宿而行此費哉依舊紅梨前歲朶  
一枝芳入蜃窓來

每看雲作便風隨風息雲濃雨亦遲雖是笙歌稱祝慶  
不能歡賞祇齋咨

再疊錢陳羣津水早春詞韻仍寄去命和

大沽赴海清波翻海口昔閱茲不煩茲來實以俞衆籲  
祝

釐攬勝奉

翟軒似繪花柳秀而野漸長風日和且溫吳山廣陵有

同約

祝浙江兩淮商衆並籲請赴天津與長蘆諸商共伸  
釐之願司轡者以聞并即日具舟戒行因

已成事姑聽之來賀詎止津瀛村香樹齋翁命且俟初欲聽錢陳羣今歲

即來京慶祝既而念其精力雖健而八十餘老翁頻年僕僕非所以示體恤也因諭俟明歲赴京恭祝皇

太后萬壽而止更憐歸愚地下魂二老外與言詩少片其今歲之行

雲空宇寧留痕津水早春詞重去聲和還鄉河名在嘉興直達

波潺湲東坡先生例具在不妨險韻數入聲疊原

### 海光寺

大士坐堂堂蓮宮向海光可知効清晏總為去聲利耕桑

臲意禮相去聲好上聲

洪禧祝

壽康前年與今歲一瞬祇如常

夜雨

三月二十日

午猶瀛宇晴晚傍海雲生風息幸無作雨來聽有聲潤  
知將二寸勢惜緩三更即漸晨曦晃微欣不解悻

天津迴鑾之作

虔奉

慈徽諸禮成曉乘安福返都京



康強逢吉真愜意男婦駢隨有戀情夜雨雖微塵已淨  
朝煙欲泮冷猶輕究當優需方紓念節過清明迫待耕

山東巡撫富明安奏報東省得雨

正值省方此望霖聞霑四五寸來深

富明安適至天津迎鑾據屬吏所報

奏歷城等處於三月十四五等日得雨四五寸不等四野霑足

三齊三輔均赤子一慰

一愁難置心

西沽

河勢成丁字水流向乙方民生逐魚利村舍學江鄉舟

浪衝青葦堤風舞綠楊歸墟容衆壑安晏塵懷長

閱報

雖曰茲巡方都京恒塵意雨暘以時報速到因郵置十  
七津城晴晚陰風散霽其日於都中小雨將寸暨二十  
各復雨津則二寸被漸北乃漸小武清縣名一寸洎京師

適與同耕犁總艱試大弗如去年春膏沃霑遂解悶成  
五言悶增以為愧

閱筐兒港工

減河制誠善日久注為阮

筐兒港減河以洩北運河夏秋盛漲丁亥至此見舊壩出

水處高於引河七尺致減水陡落成阮因諭督臣接築十五丈坦坡使漸下茲來閱視則壩工已成消減得宜

矣

前度命修築今來閱接成港春流則斷漲夏殺去其聲

盈原始宣防意本因一簣營

恭奉

皇太后迴鑾至御園之作

逾月行鑾奉

壽康攄忱並閔祝

徽慶

八旬健體誰堪比

萬歲顒心此卜長却為渴希畿甸雨那能歡賞御園芳  
羣黎誠愛誠尊意益以懷哉愧不遑

題素心堂

翠蹕返行轅芳辰駐御園豈無花石賞惟塵耙犁翻頗  
厭招風柳安求樹背諼當春多望雨正合素心存

無倦齋繹論語義

先之更繼以勞之請益曰當無倦為乾象正符不息義

詎惟姑使自深思

末句反程子註語意即胡氏所云勇者喜於有為而不能持久亦未為契

也旨

綰春軒題垂楊柳

一樹垂楊陰滿院芸帷棐几稱

去聲

吟憑不堪對雪道韞

擬何必當年張緒曾櫛櫛雲中涼月漏濛濛曉際澹煙凝青絲窈地幾千尺綰得春光許爾能

清暉閣

半謝芳華半在枝  
補松浸漸作喬姿  
雅惟高閣知人意  
相對常年望雨時

題董其昌臨黃公望浮嵐暖翠圖

暖翠浮嵐子久臨  
晴烘疊樹氣蕭森  
楚弓還是楚人得

何必其間有惜心

其昌自記子久原圖為南徐靳氏所藏後歸項元度從項借觀旋即返之

因臨此幀比之漁父出桃源而陳繼儒跋又擬以明妃辭漢蜀如楚弓之喻尤得其倫耶

詠陶壺

青綠千年色穆然  
疑銅實出范銅先  
河濱雖製耕稼後

毫土還成父已前

西清古鑑有  
商父已壺

天鹿飛熊微見象雲螭

蟠虺得齊肩詎云玩物斯珍古企若虞書第二篇

四月初二日雨中進宮即事得句

三春望雨日遷延行慶心中總憫然朔入清和氣旋幹  
濃陰問到五更天

五更初報雨絲霏傾聽簷聲是也非展側那能安枕寐  
未明因便起披衣

值齋預日返宮庭觸目真知雨有靈正喜遠天雲轉黑

迴看近壠麥滋青

香泥滑刺六街盈  
剷括修除勞步兵  
依例普教頒月賞

步兵於雨中治道需塗頗勞因循例加賚餉銀一月  
甘膏恩被合推行

益善多多越望中  
時徐時疾落溟濛  
御河橋上煙輿度  
江國水天訝與同

溜垂鴛瓦水鋪階  
雨勢未收雲脚排  
京兆已稱霑四寸

不無過平聲語大都佳

午晴



徂雲傍午收霽景  
晃窓浮固已欣滋潤  
終難稱渥優紅葩  
濯雞樹翠瓦濕鴛  
樓望久生餘惜還  
希繼霈酬

雲祭齋居

依例此遷座齋宮  
靜雨餘銅人儼師  
保黼宸惕居諸雲  
作復顓若風生更  
怒如自知不知足  
莫可少悛予

題趙左結茅圖

綠樹蒼巖護軸巢  
上人獨坐萬緣拋  
念空既識空無有

畫中自識為  
念空上人寫  
何必居然更結茅

詠周亞觚

生綠重重蔚深紅點點塗立旂銘可辨執木器斯殊

清西

古鑑別有周執木觚

於古誠無二匪今始不觚  
畢然發遐想東序

伴河圖

雩祭禮成述事

建巳月臨

常祀修致齋前日

霈恩流

京畿春月望雨至四月初二日始霑四寸餘膏澤可以興犁

已欣及節興耕

種更冀申

天錫渥優樂奏和聲協氣合禮成曙景露光浮融融煜煜  
煜騰東壁

祝帛祥煙接燎牛

迎

神舉燎牛禮成送

祝

御園孟夏即景

祭

霄返駕問

慈安御苑清和即景看蝶陣已紛逐紅雨鼠姑侵漸放

朱欄泄雲初吐心重盼渥澤未霑志敢寬嘉霽設滋新  
佈種始應得共老農歡

題樂性齋

較晴量雨恒經歲食旰衣宵切塵農性與茅簷共辛苦  
以言樂則實稀逢

明漪樓

春孟呈冰鑑清流有所思依然斯曲沼條爾作明漪魚  
躍意如喜鷺翔影自窺壁間吟舊句曾未幾多時

君子軒

徑曲琳琅遂入深波光風影共清陰恰如三友軒中對

一卷元人君子林

三友軒中貯李衍趙雍柯九思吳鎮倪瓚宋克王紱畫竹卷題曰元人君

林子

寫鏡亭

明鏡本無心物來照隨寫嬾彼自為嬾治彼自為治以  
鏡喻乎水蓋有相同也體固虛益虛影乃假中假臨亭  
適然思託興於何者

合翠軒口號

憶得春初小憩遲書軒未到又經時今朝倚檻偶憑望  
翠合新林迅若斯

挹泉榭

導流出石峽作榭名挹泉或曰斯假為其真又奚然日  
照香鑪峰三千尺飛懸於此何同異擬問李青蓮

豁如堂

書室題楣曰豁如內虛外虛內外虛廓然大公物順應

似此名言足起予

含芳書屋

入夏餞春候綠雲紅雨時畫圖難貌矣蜂蝶更撩之繁  
景固如是流陰肯暫遲含芳誰則擅書屋以無為

題趙孟頫甕牖圖

連騎權教谷口避下車欲進步還停

圖中景若此

觀書甕牖

晬盎者非病惟貧意自形

讀皮日休集

鍊意清新選字奇鹿門曾亦隱居之黃巢僞署公然受

朱祐謬稱所弗辭間

去聲

氣誠當如是否醉吟何謂不孤

斯

間氣布衣醉吟先生皆日休自取之號

與其及禍因文字罵賊奚如死

節宜

按皮日休與陸龜蒙為友二人風度詩詞頗堪伯仲  
然陸始終高放皮則曾受黃巢僞職二人品格於斯  
可判矣黃巢賊也賊而從之直非人類較褚淵之事  
二姓尤可恥矣猶有為之諱者曰使為識文疑其譏



已遂遇害夫為賊為讖文豈士君子宜有之事此而  
憐其及禍公論何在唐史錄陸而不及皮尚可謂不  
孤孤筆耳

題鄒一桂花卉草蟲小冊

杏花蛺蝶

翻翻葉葉競相忙為有過牆粉瓣香  
設認董林作宋梓  
尚應餘恨在康王

翠梅螳螂

梅子結時開翠梅底須名實浪評猜我冠其際閒遊者  
不去當車炫美才

荷包牡丹蝴蝶

非從園吏夢中得定是滕王稿裏成等度鼠姑名若似  
怪無兩翅艷香縈

藍菊蜻蜓

池心墻角任飛浮藍菊叢間汗漫遊便是東方能射覆  
尚應疑似在勾萋

野薔薇蜜蜂

野客由來稱最香  
開花荒陌僻郵傍  
蜜蜂作陣閒相採  
不敢無端近省郎

水木樨黃蜂

腰細宓妃原可擬  
身輕趙后足相齊  
木樨花下如餘恨  
毒尾輸他尹後妻

牽牛花牽牛娘

娟娟蚊蚊風露下  
畫圖相值喜名同  
黃姑秋日無聊甚

那問閒花及野蟲

蠶豆花蠶蛾

幸免湯鍋煮煉絲飛蛾栩栩自為嘻三生石上如相約  
還是花開蠶豆時

金絲草蚱蜢

田祖有神秉畀將跳踉草上尚無妨惡他頭黑身還赤  
襍俎曾經紀酉陽

扁豆花絡緯

豆籬簇蔌作花新  
索索莎雞振羽頻  
詎獨孤村驚嬾婦  
幾多香閣憶征人

蓼花椿姑

化生椿樹號椿姑  
何必春秋較蟋蟀  
幾穗蓼花聊可託  
思量未與大椿殊

柳蟬

含風吸露有餘清  
苑彼柳斯寄體輕  
便是綠絲長踈地  
那能綰得出林聲

細雨

四月  
望日

細雨剛看潤土坡雲開風作霽無何紆懷未得五日暫

月初二日雨四寸餘雖可耕種究未霑足仍屬盼澤待澤又將半月過每懶倚欄

觀襟卉寂憐耩地出新禾農家未能施犁以鋤破地而下種者謂之耩英英

時復天邊吐霽靄庶幾屢盼眠

題唐寅款鶴圖

載鶴歸來見野航溪邊佇候意徜徉是誰能與胎仙友

彷彿先生道姓王

見卷後祝允明題詞其人則不可考

歷歷徐杭遺古風山人

張

處士林

可能同羶薌野鶴家

雞忘

去聲

一再吟看祝氏翁

允明一為詞一為贊書卷後

題和闐綠玉韞

結綠徒聞宋作珍何如包貢識來賓  
截肪點漆都無似  
韭葉瓜皮信有倫  
藝器常看不離手  
德材真覺可怡神  
自慙連中

去聲

難同昔空復長言刻詠頻

夜雨

四月十六日

傍晚無雨意中宵聞雨聲  
欹枕聽不寐時作時聲  
停破

曉披衣起雲散原開晴  
京兆奏章報寸餘潤郊  
垌農民胥歡忭謂實利  
新耕澤霑寸餘耳歡忭  
豈真情慰我若謂我因  
之益怍怍

觀田

觀田露氣潤晨朝簇簇  
青含出土苗既幸耕餘  
頗有望更希澤繼益無  
聊雷聲昨晚還虛響雲  
色遙天又暗消惟待渥  
霑庶紓念肯聽慰語釋  
心焦

題歲經紙扇



團扇由來古製遺，後人摺疊出新奇。  
班姬諉使曾逢此，定入清涼不惹悲。

詰

黑龍潭祈雨作

常雩後又過旬餘，雖屢微霑未渥如。  
園近

龍潭素蒙佑，竭誠晨往試祈諸。

昨夜濃陰問到明，質明雲散復開晴。  
自慙未有先期感，尚腆庶

歆後對誠

左近或霑曉薄寒獨何靳此益難安農功廿里詳觀度  
十日期猶未可寬

石梯百級步虔登對越

明神益凜兢剛得春秋一年隔

前年夏以望雨赴禱  
霽澤隨應惟去歲甘霖

早渥未曾  
祈也

亟來愧鮮上致休徵

微雨

四月廿  
三日

禱潭怒曉晴迴蹕山雲吐何期佇望中濛濛作小雨時

作時復止潤地未寸許澤新愧深心誠通厭諛語誰能  
喚阿香乍欲囚耕父晚復佈英英夜雨庶幾覩

賦得瑤瑤如玉

得華字八韻

似石曾藏璞如金待揀沙和闐恒作貢荆國底須誇瑤  
瑤珍希世英英氣貫霞仲春忽垂草日暖欲生芽撈剖  
求殊度琢磨工正賒尚之看有質豈必貴無瑕光葆堪  
稱德喜延匪務華名言喻柱史自處上聲意應加

賦得弓膠昔幹

得民字八韻

鄒忌相初受淳于志顓陳微言為比物聰聽切修身以

五更端進惟三挈要頻弓膠分異體昔

讀如錯角也

幹會同

倫疏罅斯難合孤高孰與親既調助舉衆受載右嘉賓  
喻者纔十字答當附萬民齊卿猶若此敢不慎楓宸

雨

四月廿八日

過午密雲垂交申霽雨施謂將優渥霈其柰霽晴隨屬  
土霑二寸聽鐘閱半時何能稍慰藉惟是益齋咨

詠自鳴鐘

奇珍來海舶精製勝宮蓮水火明非藉秒分暗自遷天  
工誠巧奪時次以音傳針指弗差舛輪推互轉旋晨昏  
象能示盈縮度寧愆抱箭金徒愧挈壺銅史捐鐘鳴別  
體備樂律異方宣

有按時奏西洋  
樂者為更奇

欲得寂無事須教莫

上弦

題榜行

晉書王獻之不題榜事甚謬詩以辯之

題榜題榜太極殿佳書非義宜在獻謝傳欲之難直言

謾舉陵雲聊試看獻之正色斥其非安遂不逼心焉憚  
謬哉此說實荒唐吾故不可以不辨叶書榜自必先鈎  
摹鑿金刻木工分段懸橙登書乃墨蹟不待言知其事  
誕叶君之正衙臣敬書宜幸榮遇奚顏變史家紀載多  
游詞偶舉其一餘可見

王蒙竹趣圖即用其韻

酌斟范緩與倪迂竹院深沉晝曝書借問伊人趣何在  
得來非竊子猷餘

微雨

五月初二日

曉雲繼以風明知雨無望風息雨細零望外澤其貺雲  
勢旋頗厚雨意終弗暢坐立都莫寧瞪發勞非妄須臾  
地積水渥霑庶幾諒漸止雲漸薄依然增惆悵

賦得杼軸予懷

得先字八韻

每試翰苑輒喜自詠茲用文賦語出題然實鄙陸  
機之見小詩以正之亦言志之義云爾

誰免於懷也喻惟杼軸焉詎其無所運要各有應

平先聲

動靜因時應

去聲

屈信似化遷永圖予敬省在宥物胥甄

饒簋二東戒考槃四句傳雖云理萬緒亦弗納方穿合  
衆始成志忌他豈是賢士衡賦小矣獨得炫文篇

題和闐玉義之書竹扇圖

一幪岡巒似戢山索書竹扇婁心慳謂言五字精神足  
各售百錢疑信間競買始知蹟真實再來不答笑開顏  
其人如玉誠無忝懷祖何須愧等閒

端午日詣



暢春園問

皇太后安即事有作

龍潭親禱未昭靈例事龍舟概與停逢節敢因踈

定省致齋仍復遣藩屏

命禮部按例太歲壇各遣親王致祭請雨

天神

地祇

宸

憐出土禾將萎懶對挿門父自馨

懿訓肫然相慰藉益慙無以慰

慈寧

唐寅柴扉夜話

雲低松暗影蒼蒼對語幽人夜閣涼  
抱膝奚僮權假寐  
黑甜鄉裏趣偏長

即事

自我暮春巡津門雖行慶即已望雨時聞河北旱更甚

先事綢繆勅守土

今歲近畿未霑霽巡幸天津時即已盼澤且聞豫省河北三郡冬雪未

深春雨復缺恐麥苗不能長發難冀有收傳諭撫臣勘察情形如歉象已成即預籌酌借籽種口糧俾資接濟

旋報甘膏已屢霑麥雖無救種禾黍

豫撫富尼漢以不能勤恤民事降用

楚藩旋據護撫何燭奏河北三府三月杪至四月初連得透雨麥仍可望結穗其已萎之麥及高阜山地俱已

翻種早秋  
並皆茁發

孟夏二日此被澤高三寸餘低或五低則已

耕高尚待遷延日久日益苦其間

平聲

陣雨固間

去聲

作總

未渥霈切憂鼠畿南東較此為佳疑信半恐慰我語

京師

自四月初二日得雨高田尚未能一律耕種雖亦間滋  
霖霖總未優霑已躬禱黑龍潭並勅禮臣循例於

三壇修祀請雨亟待甘澤渥零期及時播種秋稼其畿  
南順德諸府及京東州縣雖據楊廷璋奏報雨皆深透  
恐所言未必盡實仍為廛念耳北方春夏例多旱敢諉慣經云恒觀瞻

雲問夜獨徘徊自慙何以對農父

鏡花

灼灼復裳裳盆中一例芳逼觀原見色細嗅不聞香幻  
向忽為背同低亦共昂設還徹盆去空影祇如常

水月

是水皆涵月寧分江復湖半圓常與共千萬總無殊掬  
手空勞耳觀心得似乎一漚如幻起中亦有形模

錢穀高樹飛泉即用其韻

蒼松翠柏佈陰濃下有流泉陡礧淙拱手幽人相問答  
恰如彼此仰高峯

山東巡撫富明安奏報麥收分數詩以誌事

佇待青齊夏熟報今朝大吏奏章聞三春膏澤霑十府

二麥收成約九分

富明安奏濟南等十府三四月間甘雨優霑計通省麥收約可九分以上

此匪田哉益滋苦總吾民也亦為欣欣斯遠耳苦斯近  
延頸徒然望佈雲

雨

五月十三日

夜雲間

去聲

聚散間亦霏細絲傍曙乃大作響送簷溜垂

起視地積水庭樹皆含滋昨夜東南雷較此或霈施京

兆曉來奏四寸霑及泥園中剷土看言出慰我私高處  
祇三寸雨纔經兩時固勝弗雨佳安能心即怡心怡豈  
不願所戒在自欺

題明人畫扇集冊

董其昌雙峽迴谿

兩峯環抱各隆崇疎處林梢見遠空西崦人家東崦寺  
前溪流後溪通愛看古柏猶餘綠已覺霜楓欲染紅  
筆意分明學癡客

其昌自識  
摹黃子久

畫禪終是屬思翁

呂健竹枝寒雀

敗篠尚披攢風饕凍雀寒聊喜一枝託何曾識紇干

文徵明水閣清談

草堂溪上架喬木蔭蒼雲有客相對坐其言不可聞清風披颯沓流水俯溶沅細睇無杯泛休猜王右軍

林初棠樹鳴禽

棠棣休嗤花少馨興言嘉燕詠葩經枝頭豈是無名鳥名在三章曰鵲鳩

盧江荻洲暎月

峽勢江聲似夔府不樂山樓樂洲渚孤舟沿泛倚素琴  
月暎荻蘆亦堪譜姓名弗問可得知應是襄陽杜工部

呂健蘆江泊鴈

嘹月蘆花瑟瑟浴波秋水茫茫隨緣可成棲託何必定  
是瀟湘

沈荊石秋渚載書

袖手坐野舫舫臨秋溪恐擬張志和僮婢都不携載



書以為伴獨與古人稽

仇英松坂臨流

繫馬松間對坐崖脣一問一答誰主誰賓非絲非竹泠泠可人流水今日明月前身

遣悶

過雨已五日終風又傍晚其間屢細霏究無救為旱東

北雲勢濃近報霑山館

十三日之雨京畿僅霑三四寸而東北雲氣甚濃計口外或當

優霈今熱河總管永和奏至十二十三兩日熱河得雨極為霑足

古北亦渥霈一犁耕

塞坂

昨提督王進泰奏古北口於十三日霽雨深透山田皆及時耕種

獨此及保陽稽

澤覺猶遠英英力總微蓬蓬狂益亶慰者謂我云自遠  
當及近近豈可遲待炎霾象成暎點筆擬遣悶悶增寧  
易遣

詠金剛四生

有自無生無自誰羯羅藍值偶居之色空明暗未形際  
地水火風初伏時如咀如乘紛擬議弄璋弄瓦別施為  
四蹄豈不亦若是慎在其分毫與釐

右胎生

依殼為延八竅呈自然黃白判而生曾傳王政貴不殂  
誰識佛經表幻成比及鳳鸞方是瑞便當燕雀亦含情  
淵材獨被禹錫誤瞪目仙禽墮卵驚

右卵生

假潤成非水族同化工造物果然工作看蠢蠢浮波面  
旋即飛飛上半空陽滅陰滋消息具風隨雨撒性靈通  
遏蒲曇縱無八識亦自含生大塊中

右濕生

藍姬甄陶萬物形詎惟久竹與青寧是誰忽爾成獨蛹  
類我居然祝寧去聲馨脉脉娟娟隨所適花花草草任其  
停大圓鏡裏膏同照底藉六如方註經

右化生

新蟬

湖岸散悶行新蟬忽弄響萬物自知時時來各技癢嗟  
哉夏已仲鳴蜩候無爽渥霽澤猶新耕犁待焦壤昨晚

霏細點半刻雲開朗日甚一日愁昭回徒企仰

文徵明綠蔭携琴即用其韻

對坐幽人水閣深詩情六義託高岑待琴更有溪頭者  
欲譜臨河綠樹陰

朝濟

五月廿三日

昨夜轟雷鳴東南殷勢鼓京城霑二寸此不及寸許朝  
濟今見西滿擬崇朝雨雲容薄將散眄望徒延佇夏至  
茲已近此况亦恒覩寧當付慣經惟益增愁緒過去易

若忘目前艱實苦西北吐英英膚寸合過午今晚或霈  
恩滂霽蘇禾黍

馬和之松下撫琴圖一韻二首

名流題句不言誰

幀中題者七人皆各署號而不書姓名亦無畫者姓名

裝褙多

年姓氏遺曳杖秋林同筆法

石渠寶笈有馬和之秋林曳杖圖上等

故應

認是馬和之

膝上橫琴者阿誰名當高士傳中遺松濤石瀨相問答  
遂與安弦一寫之

齋戒進宮西直門外作

北至將臨祭西郊此進宮曉雲仍漸散夏種未全同農  
苦深憐彼時乖益責躬甘膏難再緩迫望晝宵中

題藏經紙扇

青蓮語句若存亡何礙全提出廣長一握清風滿懷袖  
六根五蘊合都忘

詠漢玉穀璧

水銀浸久黑如雲

漢玉土浸為黃血浸  
為紅水銀浸為黑

出壙仍然堆粟

紋詩詠黍苗陰雨膏

去聲

似為此癖著前文

題董源山水

磬頭濃淡皴茅屋淨無塵  
世事付流水佳賓來近鄰  
坐消九夏暑磬折一家人

圖上玉池有董其昌鑒賞語

筆墨過思訓香

光鑒賞真

御製詩三集卷八十九